

## 2 Korinti

*Paulo Yesugât honj manminep.*

<sup>1</sup> O galalupne, nâ Paulo akto galanenñe Timoteo kulem esenñe ire Anutugât luâk âmbâle Korinti kepien mandâi yengât kulemgoet. Ye kulem esenñe ire oyanmâ metem âmâ Anutugât luâk âmbâle Akaia hânân mandâi are yengimbiâ oyanbai. Akto nâmâ Yesu Kristogât honj bawa aregât aposologât âi Anutune makmâ katnegep.

<sup>2</sup> Ewenenñe Anutu akto Humonenñe Yesu Kristo yâkñe biwiyenñe yâkgâlân kali are biwiyenñe sândugeâkgât wâtñe akyengim damunyenñe agetgât ulilanñdân.

<sup>3</sup> Nen Anutu Humonenñe Yesu Kristogât Ewenñe yâkgât kotñe mem agatbaen. Yâkñe damunnenñe akto biwinenñe sândugemap. Akto okot nângâ nengimap. Akto biwinenñe mem sândukñe ketugumap.

<sup>4</sup> Hain akmâ hâk hilâlâm keñe keñe mem limbâpnengumap. Akto Anutune mem limbâpnengumapgât limbâp arekñe nen hain agâk gala bikñe hâk hilâlâm keñe keñe kâlegen manbiâ âlepñe mem limbâpyenñguwaen.

<sup>5</sup> Akto Kristo nengât hâk hilâlâm nângâep hainâk yâkgât âi memaen aregât hâk hilâlâm dondâ nângâmaen. Hain akmâ âmâ benñe Kristogât akmâ wâtñe miawaknengimbo biwinenñe sândugembo umatñe are lokomaen.

<sup>6</sup> Galama, nengâlân umatŋe miawakmap arekŋe âmâ ye biwi sânduk miawagâkgât miawak-nengimap. Dâ biwi sânduk miawaknengimap are gai yengât akmâ miawaknengimap. Aregât biwi sânduk nengâlân miawagep arekŋe yengâlân hâtikom tânyengumbo benŋe umatŋe nengâlân miawakmap a hainâgâk yengâlân miawakto amâ hâk hilâlâmŋe biwi sânduk nângânetgât miawaknengimap akto ye gai miawakyengimap.

<sup>7</sup> Aregât nen yengât hanoko bo akmâ hin nângâmaen. Hâk hilâlâmngât umatŋân nen man-maen ye gai manmai aregât Anutuŋe biwinenŋe mem yeugenengimbo biwinenŋe sândugemap ye gai yeugeyengimbo biwiyenŋe sândugemap a nângâm kârigemaen.

*Kembuŋe Pauloma umatŋânba mem olonyegep.*

<sup>8</sup> O galalupne, nen Asia hânân hâk hilâlâm kakŋân manmâ gayion aregât pâpkowâigât makyengire nângânet. Nen Asia hânân mandenŋe umatŋe dondânande mem ge kat nenegep. Akto arekŋe nengât kârikŋe are ewangimbo wâtnenŋe gembo nen âmâ mombaen me gain o dâm nângâyion.

<sup>9</sup> Akto ire emelâk momogât pat akten dâm han-nenŋaet kârikŋe are hulaŋep. Are âmâ yân bo miawaknengiep. Nen nenŋaet kârikŋe nângânenŋe gembo Anutu momoŋe mem golâ katyekmap yâk konok nânganmâ tânnenguwen dâm ulilaŋnegât are miawaknengiep.

<sup>10</sup> Umatŋe bâlenŋe miawak nengimbo momberâm aktenŋe ainâk tân nengumbo bo agep. Aregât hâmbâi gai umatŋe siâ miawakto

tân nengumbo bo akbiap aregât keiŋe nâŋgâenŋe biwinenŋe sândugewiâp.

<sup>11</sup> Akto yekâ hainâk nengât Anutu ulilaŋbei. Hain akbiâ âmâ Anutuŋe den nenŋe dondâ are nâŋgâm wâtŋe aknengimbo aregât ulit dondâgât den pat sambelembo Yesugât kâmot hânŋe hânŋe manmai arekŋe den are nâŋgâm Anutu mepaiŋe mem agatbai. Are bunŋe agâkgât Anutu nengât ulilaŋbei.

*Pauloŋe Korinti gâtŋe bo heyenŋiep.*

<sup>12</sup> O galalupne, nen wangât nâŋgâm heronŋe akmaen? Hin. Nenŋe luâk âmbâle hânŋe hânŋe manmai akto Korinti yenŋât dewunyenân agak meme âlepŋeâk mem manmaen aregât heronŋe akmaen. Dâ areâk bo. Anutuŋe okot nâŋgâ nengiepgât hâkgât nâŋgâ nâŋgâ are bo nâŋgâm âmâ agak meme âlepŋe akmâ Anutuŋe damun nenŋe akmap aregât biwinennân ârândânâk mem manmâ okot âlep akmâ tân yenŋumaen. Aregât nâŋgâm heronŋe dondâ akmaen.

<sup>13</sup> Akto den yenŋât kulemgoyion keiŋe amâ bo heambukmâ tatâp aregât hin nâŋgâre humo aktâp.

<sup>14</sup> Nengât keinenŋe bikŋeâk nâŋgâi gârâmâ Humonenŋe Yesu are lâuwânŋe purikato nen manman âlepŋân manbaengât heronŋe akmâ manbeigât nâŋgâm heŋgemgowe. Akto nenâkâ hainâk ye heronŋe akmâ manbaigât nâŋgâm heronŋe akten.

<sup>15</sup> Akto yenŋe Anutugâlân biwiyeŋe kali akto siân biwiyeŋe hainâk kinbiapgât are nâŋgâm aregât yekberâm agân.

<sup>16</sup> Akto ulikŋân Makedonia hânân ariwerâm ain hin nâŋgân. Nâ Makedonia dâwân ariwerâm getek

kepia Korinti ain âgâm Yesugât kâmot yekbian. Yekmâ arewa Makedonia hânân ariwian. Nâ ain âgâm Yesugâlân gâtne yekmâ ainba purik katbian âmâ hainâk ulikñân nekmâ herone agi hainâk nekmâ herone akbaigât nângâm yektere Yudaia hângât dâp ain katnekbai hain nângân.

<sup>17</sup> Akto hain nângâm benne wangât bo togom yegân? Ye aregât hin dâyi, “Paulo amâ ikinjaet nângâ nângâne watmap. Akto den han lâuwân makmap.” hain dâyi. Amâ hiangiyi.

<sup>18</sup> Dâ aregât keine makyengire nângânet. Anutune han lâuwâ bo akmap yâk den bunne makmap. Aregât nen gai yengât han lâuwâ bo akmâ den bunne makmaen aregât wan me wangât makmâ âmâ hainâk memaen.

<sup>19</sup> Dâ areâk bo. Yesu Kristo Anutugât nanje yâkgât den ulikñân nâ akto Sila akto Timoteo nenne makyengiion. Hin me hain mon? dâm bo makyengimaen. Bo. Kristogât akmâ bundâk dâmaen.

<sup>20</sup> Akto hainâk Anutune wan me wan nengât kârikne ketugu nengiwiapgât dâm herone are wan me wan Yesune miepgât miawak nengiwiap. Aregât nen Yesugât kâmolân gâtne Anutune magep are kârikne agep aregât kotne mem agatmaen.

<sup>21</sup> Galalupne, Anutu konokne ikinje âi nengiep ye akto nen hârok Kristogât akmâ nen Anutune menenekmâ kârikne ketugu nenekmap.

<sup>22</sup> Hain akmâ nângât kâmot nângâ ninjet dâm ikinjaet Heakne hungun ando tirip kat nengimbo nen hin nângâmaen. Anutugât Heak âlepne arekne kautnennân menenekto nângâen aregât wan me wan nengât dâm hâriep are siân bunewâk miawak

nengiwiap aregât nângâen.

<sup>23</sup> Galama, nâ wangât bo togom yegân aregât lâuwâne makbe. Uliknân yekberâm akmâ hin nângân. Nâ hinne arim âmâ Korinti gâtne yekmâ bâlene agi are den kom miwindik yekbiangât umatne miawak yenngiwiap. Are miawakbopgât hinne ain bo ariwiangât nângân. Yu maktân are Anutune nângâm bunne dâp.

<sup>24</sup> Gârâmâ nenne nângâ nângâye ne kom miwindik yekbaen âmâ ainâk hâknenne bo mem agatbaen. Dâ ye ne biwiyene Yesugâlân kali aregât herone akbai dâm aregât mem kârikne ketugu yekmaen.

## 2

*Paulone Korinti ke pian bo purikalep aregât ke i ne magep.*

<sup>1</sup> Akto biwinânâk âmâ hin nângân. Uliknân Korinti ke pian arim makyengire umatne miawakye ngiep. Are lâuwâne miawakbopgât aregen hinne bo ariwian.

<sup>2</sup> Ariwian âmâ galalupne okot âlep ninmai are kambiamyene bâliwopgât hinne bo ariwian. Ye bâlimbiâ âmâ nâ gain akbian? Hain nângâm aregât bo togom yegân.

<sup>3</sup> Gârâmâ siân togowian dâm ain galalupne ye ne okot âlep akmâ agak meme âlepne akmâ tân nugumai dâm kulem esenne kulemgom katere togombo emelâk oyanj. Kulemgom ain âmâ ye ne nângât akmâ herone akbaigât nângâm he ngemgoân.

<sup>4</sup> Akto kulem esenne kulemgoân sop ain âmâ hin nângân. Ye biwiyene umatne akmâ bâliwopgât

akto yengât okot nângâyengiman are nângânet dâm yengât akmâ tepne bâlimbo hâk hilâlâm owâine bo nângâ yengim kinmâ dewunne tune gembo indem kinmâ kulemgoân.

*Galayene yâk yengât dosa hepunbei dâm magep.*

<sup>5</sup> Hain kulemgoân gârâmâ dondâ maktere bâliwopgât getek makbe. Yengâlân gâtne siâne bâlene agep aregât nâ biwinân getek umatne miawakniņep. Amâ ye âmâ biwiyeņe umatne agâkgât mângiyengiep.

<sup>6</sup> Ye biwirâ mem miwindikmâ wan me wan agaņi are nângâre bo aktâp.

<sup>7</sup> Hinņe yâkgât dosa hepunmâ biwiņe mem sândukņe ketugunet. Hain akbiâ luâk aregât biwiņe umatne arekņe mem ge katbop.

<sup>8</sup> Aregât nâne goanyektere luâk bâlene agep are yâkgât okot âlep are akmâ manğanjet.

<sup>9</sup> Akto kulem esenņe ulikņân kulemgoân amâ ye dop yenguân. Ye âlepņe nângât lau watmai me bo dâm kulemgore oyaņmâ lokom luâk bâlene are hengemgoyi.

<sup>10-11</sup> Dâ hinņe laune lokom luâk aregât dosa hepunanbiâ nâkâ hainâk Niambi gulip akņet dâm mem ge kat nenekto anun angiwâengât dosane hepunandân. Niambiņe Yesugât kâmot gulip akņet dâmap aregât keņe nângâmaen. Aregât yengât akmâ Kristoņe nângâmbo âlepņe agâkgât luâk aregât dosane hepunandân.

*Paulo Troa kepiā biwi umat miawaganep.*

<sup>12</sup> Galalupne, nâ hân siân siân ariân aregât keņe makyengire nângânet. Nâ ulikņân Troa kepiā âgân ain Humonenņe Kristo arekņe meme

akniŋmâ luâk âmbâle dondâ meme akyenŋimbo Kristo heŋgem nenguep aregât keiŋe nâŋgâwerâm nâŋgâlân togoyi.

<sup>13</sup> Hain akbiâ makyenŋiwerâm âmâ galane Tito are bo mem miawaktere biwine umatŋe akto bo makyenŋim âmâ hepun yekmâ Makedonia hânân ariân.

<sup>14</sup> Yoe, Anutuŋe Kristogât âi luâklupŋe nen buŋam kom mem miap pannenekmap. Hain aknengimbo pat âlep denŋaet higenŋe âlepŋe mem sambeliennŋe liwalakmâ hân ârândânŋ arimap. Aregât mepai humo aganbaen.

<sup>15</sup> Nen Kristogât higen suk suk akmaen aregât luâk Anutuŋe heŋgemgo yekbiap are makyenŋiennŋe manman âlepŋe miawakyenŋimap. Dâ luâk bikŋe makyenŋiennŋe hilip agu agugât miawakyenŋimap.

<sup>16</sup> Hilip agu agugât ambolupŋe higenennŋande olonyekmâ momo higenŋe akmâ yenŋimbo momai. Dâ manman âlepŋe aregât ambolupŋe olonyekmâ manman higenŋe akmâ ewum goanŋyekto manmai. Âi are amâ niŋande mendo ârândânŋ akbop?

<sup>17</sup> Luâk dondâ arim hanâk hanâk puligât ulityenŋim Anutugât den arim makyenŋimai nen dop hainâk bo akmaen. Nen âmâ biwinennŋe irakŋe akto Kristo olop biwinennŋe konok akto Anutugât dewunŋân kinmâ Anutugât den âlepŋe are makyenŋimaen. Aregât kârikŋe Anutuŋe nengimap aregât Anutugât mepainŋe mem nâŋgâmaen.

*Anutugât hoŋ bawa yâk yeŋgât den pat.*

<sup>1</sup> Akto ya kulengoân are âmâ nâŋgât nâŋgâ nengimbiâ humo agâkgât kulengoân mon? Bo. Hinŋe luâk bikŋande âiyeŋe keiŋe ekmâ nâŋgâŋetgât kulem esenŋe kulemgoyi are mem hekat yeŋgiyi are nen âmâ hain bo akmaen. Nen âmâ kulem esenŋe siâŋe me yeŋe kulemgoyi are bo mem manmaen. Nengât âi siânbaŋe ekmâ nâŋgâŋetgât amâ ye agak meme âlepŋe memai are yeŋgât ekmâ nâŋgâmai.

<sup>2-3</sup> Akto kulem esenŋe aregât keiŋe den dopŋe siâ makbe. Luâk den keiŋe hekat nengimai arekŋe âi nenŋe âlepŋe are oyaŋmâ nâŋgâŋet dâm humomolupyenande kulem esenŋe kulemgom yeŋgimbiâ are mem arim makyenŋimai. Akto ye kulem esenŋe are oyaŋmai akto kulem esenŋân gâwu kulemgomai amâ yân. Akto nen hain bo akmaen. Nengât kulem esenŋe amâ yeŋe dop akmai are akto gâwu bo akto kulem esenŋe bo. Nen gâwu mem kulemgomaen dop hainâk Kristogât den makyenŋimaen akto kulem esenŋe kulemgomaen dop hainâk den makyenŋienŋe biwiyenân miawakmap. Akto Anutu manman kârikŋe ambonŋe arekŋe ikiŋe Heak âlepŋe huŋgun aŋdo han biwiyenŋe mendo agak meme siâ akmai aregât den pat luâk âmbâle dondâ yekmâ nengât âi keiŋe nâŋgâmai. Akto ulikŋân Mose âmâ den kârikŋe kâlân kulengoep amâ nen hain bo akmaen. Biwiyenân den nenŋande gembo agak memeyeŋe âlepŋe miawagep are amâ nengât kulem esenŋe hinare.

<sup>4</sup> Akto nen nâŋgâ aŋgienŋe humo aktâp amâ Kristogât akmâ Anutuŋe nenekto âlepŋe akmap.

<sup>5</sup> Amâ nenñe nengât keinenñe maktenñe bunñe miawakbiapgât kârikñe bo tatnengimap. Dâ siâ me siâ mendenñe âlepñe akbiap amâ Anutunje meme wâtnenñe nengimap hârok.

<sup>6</sup> Akto nengât âi amâ den areâk bo. Anutugât Heak âlepñande memenñe aknengimbo den pat âlepñe makyenñenñe manman âlepñe miawak yenñimap. Dâ den kârikñe bunñe mem arekñe manman kârikñe bo miawak yenñimap. Dâ den kârikñe nâñgâmbiâ Anutugât Heak âlepñande meme akyenñimbo ain manman âlepñân manmai.

<sup>7</sup> Akto den kârikñe aregât keñe makyenñire nâñgâñet. Ulikñân Anutunje den kârikñe kâlân kulengoep amâ momogât pat. Hain akto Mosenje ekto kulemgom metembo kât are lokom gem Israe luâk âmbâle mem oloñ yegep. Hain akto Anutunje den kulemgombo egep aregât enem dewunñe pagalenje akto Israe luâk âmbâlenje Mosegât enem dewunñe ekbiâ dewunyenje hilâlâm yenñimbo bo egi. Gârâmâ pagalenje are sopñe sopñe tatbiapgât dop bo.

<sup>8</sup> Aregât Anutugât Heak âlepñe arekñe wan me wan nengât miawaknengiwiap aregât pagalenje kârikñe âmâ humo dondâ yem âmâ bo boakbiap arekñe âmâ den kârikñe ewangimap.

<sup>9</sup> Are lâuwânje makbe. Den kârikñe miawagep ainâk lokowaengât dop bo tatnengiâp. Aregât Anutunje den âiân katnenekbiapgât dâp miawagep. Dâ hinñe Yesunje bâlenje agion aregât dosanenñe mendo Anutunje ye dosa luâk bo dâm nengonlep aregât pagalenñe den kârikñet pagalenje ewangimap.

<sup>10</sup> Aregât ulikñân den kârikñe amâ pagaleñe kârikñe kilep amâ Yesuñe miawakto den kârikñe aregât pagaleñe bo agep.

<sup>11</sup> Akto areâk bo. Moseñe den kârikñe pagaleñe yogan tatminep aregât kârikñe bo agep. Dâ Yesuñe nengât wan me wan miep amâ yogannë bo. Are pagaleñe bunñe akmâ yem âgâwîap aregât kârikñe humo akmâ tatmâ âgâwîap.

*Anutuñe pagaleñe nengimap.*

<sup>12</sup> Yu kulemgoân are nâñgâm biwinenñe heronë humo akmaen. Hain akmâ Anutuñe denân bo katnenekbiapgât den pat âlepñe kepiñe kepiñe hârok hamep bo akmâ makyengimaen.

<sup>13</sup> Dâ ulikñân Mose ikinë enem dewunñe pagaleñe bo akberâm agep are Israe luâk âmbâleñe ekbâirâm ikinë enem dewunñe tigiep. Aregât dop nen hainâk bo akmaen.

<sup>14</sup> Akto areâk bo. Ulikñân Yuda nengât hakulupnenñe Moseñe makyengimbo Israe luâk âmbâle ainâk biwiyenë kârikñe akmâ katipñe katipyenguepgât den are bo nâñgâm hengemgoyi. Israe luâk âmbâle ulikñân hainâk akmâ gam gam yu miawaktâi ire amâ hainâk Mosegât den oyanmâ katipñe hainare katipyenguepgât bo nâñgâmai. Aregât katip are yân bo hulan akbiap. Kristo konokñe mem hulanbiap.

<sup>15</sup> Israe luâk âmbâle Mosegât den keinânbak oyanmâ bo nâñgâm amâ tatmâ gambiâ gambiâ yu miawaktâi yâk yengât hanyenë katipñe olowâk akmaigât den bo nâñgâmai.

<sup>16</sup> Hanyenë purikatmâ kembu mete katbiâ arekñe katip are hulanjenngiwiap.

<sup>17</sup> Akto Humonenne ikiye Heak Amboñe kaut-nennân mendo owâinân mendenne wan me wan âlepñe miawaknengimap.

<sup>18</sup> Akto areâk bo. Nen âmâ dewunnennân katip bâlâk akmâ Humonnenjaet pagalenne Heak kârikñe are ekmâ kindenne ketugu nenekto ikiye towat miawaknengimbo manmâ manmâ âgâenne pagalenennenne humo akmâ sambelem âgâmap. Are âmâ Heakgât kulem.

## 4

### *Anutugât pat âlepñe amâ geñe bâlâk.*

<sup>1</sup> Akto Yesugât den pat makyengimaen nen âmâ Anutunne okot nângâ nengim âi ire nengiep. Anutunne okot nângâ nengim âi ire nengiep aregât biwinenne bo bâliwiap.

<sup>2</sup> Hain nângâm wan me wan bâlenne are hami panmâ hâkân akmaen. Akto hiangigât agak meme are hepunmâ Anutugât den are mem siâ siâ bo akmaen. Bo. Nenne den are oyanmâ keñe wan me wan miawakto are hanâk tek tekñân makyengimaen. Hain akmâ Anutugât dewunnân kindenne huragumbo luâk âmbâle den pat bunne are hanâk hanâk makyengimaen are nenekmâ biwiyengân nângânengimbiâ ârândân akmap.

<sup>3</sup> Akto luâk âmbâle bikñe are hememgât dopñân manmai arekñe âmâ den nenne bo nângâmai.

<sup>4</sup> Luâk âmbâle are amâ hân iregât damunne yoganne akmap arekñe, pagalenân gâtñe yâkgât den pat are nângâwâi dâm nângâ nângâyenñe gisap kombo dennenne bo nângâmai. Amâ den pat are âmâ Kristo Anutugât dopñe akmâ pagalenân gâtñe

yâkgât den nângâwâi dâm nângâ nângâyeŋe gisap-komap.

<sup>5</sup> Akto nen âmâ nenŋaet keinenŋe bo makyengimaen. Bo. Nen hin makmaen. Yesu Kristo amâ Humonenŋe dâmaen aregât nen âmâ yengât âi luâk manmaen.

<sup>6</sup> Akto Anutu ulikŋân, “Hândâk kâlegen pagalenŋe miawagâk.” dâmbo miawagep arekŋe han biwi nângâ nângânennŋe hulane akto hândâk kâlegen malion nen Kristogât enem dewunŋe ekmâ âmâ Anutugât pagalenŋe a egion.

*Paulo umatŋe miawaganŋo nângâmbo tâŋât agep.*

<sup>7</sup> Nengât biwinennân den âlepŋe tatmap amâ umbâ hânŋe mângimai dop hainâk. Haingât nenŋe kâriknennân âi are bo mem manmaen. Anutugât kârikŋe kârikŋe siâ hârok ewangimap are mem manmaen.

<sup>8</sup> Umatŋe miawak nengimap aregât keiŋe amâ hin. Umatŋe are bikenba bikenba miawak nengimbo gain gain akmâ manbaen dâennŋe âmâ umatŋe arekŋe nen bo hilip nengumap. Akto umatŋe arekŋe nângâ nângânennŋe tigimbo han undup akmaen amâ nângâ nângânennŋe are dondâ bo bo akbiap.

<sup>9</sup> Luâkŋe wan me wan bâlenŋe aknengimbiâ benŋe Anutunŋe bo hepun nenekmap. Luâk bikŋande nengumbiâ ge yemaen dâ amâ bo bâlimaen.

<sup>10</sup> Hilâm ârândân Yesunŋe hâk hilâlâm nângâm moepgât tirip are mem manmaen gârâmâ Yesunŋe ikiŋe manman âlepŋe nengimbo hâknennŋe hutuk âgâmbo âmâ bikŋande nenekmâ Yesugât manmanŋe hâknennân ekmai.

11 Akto nen âmâ Yesugât âi memaen aregât Yesugât pat sambelem ariâk dâm aregât hâk hilâlâm nângâm bâsok momaen. Gârâmâ Yesuŋe wâtŋe aknengimbo manmaen are luâk âmbâlŋe hârok ekŋet dâm âi humo mem manmaen.

12 Aregât hin. Nengâlân âmâ momoŋe âi menenekmap. Dâ yengâlân âmâ manman golâŋe meyekmap.

13 Ulikŋân Anutugât Heak âlepŋe arekŋe luâk siâ meme agando kep kenŋu siâ kulemgoeŋ aregât bikŋe hin, “Biwine Anutugâlân kalân arekŋe hâwât nekto dowâk owâiŋeâk makyenŋiwe.” hain kulemgoeŋ. Akto nen hainâk Anutugât Heak âlepŋe arekŋe meme aknengim arekŋe hâwât nenekto nânganmâ dowâk owâiŋeâk makyenŋimaen.

14 Akto nen âmâ wangât âi humo mem hâk hilâlâm nângâm hanâk dâm makyenŋimaen? Hingât. Anutuŋe Humo momoŋânba mem oloŋdo agalep yâkŋe âmâ nen akto ye hainâk oloŋ nenekto agatenŋe Yesu olop manmâ âgâwaen hain nângâmaen.

15 Anutugât han kalemŋe sambelembo Anutugât mepaiŋe mem manmaigât kâmot arekai sambelemap. Arekŋe yengât akmâ miawakmap.

16 O galalupne, aregât siâkâ makbe. Umatŋe miawak nengimap aregât keiŋe yu kulemgôân arekŋe hâknenŋe mem ge katmap. Hain akto âmâ hanâk biwinenŋe âmâ hilâm ârândânŋ kârikŋeâk kilâkgât Anutuŋe tân nengumap.

17 Akto nengât umatŋande amâ yogan owâiŋe akto arekŋe egâlianŋ umatŋe tatmâ kârikŋe akmâ âgâwapi are nengimbo ârândânŋâk tatnengimap.

<sup>18</sup> Aregât nen âmâ siâ me siâ hânân miawakmap are bo ekmâ manmaen. Bo. Siâ me siâ tiwâk yemap aregât eknerâm manmaen. Âmâ wan me wan ekmaen are amâ yogan. Dâ bo ekmaen are âmâ kârikne tatmâ yembiâp aregât aregâlâk ekmâ âsim kinmâ manmaen.

## 5

### *Iren hân yogannân manmaen.*

<sup>1</sup> Nen hin nângâmaen. Hâknenne amâ hân uliginenne hainare tâmbâne ire torokto Anutune himbimân emet kârikne siâ mem penianmâ nengiwiap emet are luâk bâtyenande bo mângiyi aregât kinmâ kârigem kinmap. Akto kinmâ âgâwip.

<sup>2-3</sup> Akto nen hinne hâknenne ire mem meanmaengât hâkâne akmâ bâlâk kinbâengât indem manmâ âmâ hâknenne irakne aregât ukenne nângâm Anutugât dewunnân hâknenne irakne mem kinbaen aregât nângâenne biwinenne herone akto lâmgom manmaen.

<sup>4</sup> Hâknennaet uligiân manbaen ârândân tat tat urutenne ariâkgât manmaen yuyai olop manman are pandenne ariâkgât. Dâ hâk katipnenne tâmbâne kotgânegât bo aknengimap. Are yendoâk irakne lugum nengimbo geâkgât aknengiwiap gât nângâenne humo akmap. Aregât momogât pat agak are manmangât patnande kawulâkgât manmaen.

<sup>5</sup> Wan me wan âlepne miawaknengiâkgât mem umale aknengiep i are Anutune hain aknengim dowâk Heak katnengim lugu nengiep.

<sup>6</sup> Hain nângâm nângâ nângânenne kârikneâk kinmâ âgâwaen. Akto nen hâknenne olop aregât

hânân manmaen amâ himbimân Humonenne olop boâk manden.

<sup>7</sup> Nen amâ Yesu nângaṇmaen dâ wan me wan dewun nenne ekmaen are amâ bo nângaṇmaen.

<sup>8</sup> Benne nen nâṅgâ nâṅgânenne kârikṇeâk kinbaen. Akto hâk ire in hepunmâ âgâm amâ Humonenne olop manbaen dâenne biwinenne sândugemap.

<sup>9-10</sup> Akto nen hârok wan me wan hânân ire mendenne aregât Kristone den makmâ kotgâ nenekbiapgât welam ginnân kinbaenân hâknenne olop hânân manmâ wan âlepṇe me bâleṇe meyiongât hâuṇe âlepṇe me bâleṇe nengiwiapgât manmaen amâ Kristogât kambiamṇe herone agâkgât ikinṇe âi memaen. Akto mombaen sop ain amâ Yesugât kambiamṇe herone agâkgât kotṇe mem agatbaen.

*Paulogât keiṇe amâ hârokṇe nângaṇi.*

<sup>11</sup> Akto Humonenṇande hâuṇe bâleṇe me âlepṇe nengiwiapgât aregât hamep akmâ hanâk luâk âmbâle makyengim hâwât yekmaen. Akto Anutune wan dâep are hârok mendenne nenekmâ âlepṇe dâmap. Akto ye hainâk biwiyenân nâṅgâm bunṇe dâi me?

<sup>12</sup> Akto emelâk maktân are nâṅgâm nengât kotenṇe mem agatṇetgât bo maktân. Amâ hingât maktân. Luâk bâleṇe bikṇe wan me wan ekmai aregâlâk nâṅgâmbiâ humo akmap arekṇe wan me wan biwinennân tatmap are nâṅgâmbiâ gemap. Hain akto yengâlân togomai arekṇe yengumbiâ amâ nengât pat nâṅgâm den hâuṇe makyengim mem ge kat yekbai aregât yu kulemgoân.

<sup>13</sup> Akto nenne ye herone akbaigat hain akmaen. Akto luak ambale balejande nengat den nangam hin dâyi, “Woe, Pauloma amâ sinduk akmai.” hain dâyi. Are amâ hanak Anutugat ai mem malion aregat nangam hain dâyi. Are amâ ukenyenæet. Dâ nen amâ hanak nangâ nangânenne hulan agep aregat tân yenguweram Anutugat aiak mem agatbaen.

<sup>14</sup> Nen hain aktenne Kristone okot nangâ nengim han kalemne arekne nen goanenektone nen hin nangam hengemgomaen. Yesune ikinne hâknaet bo nangam amâ nengat dosa mem moep sop ainak nenne yâkgat akmâ hainak moyion.

<sup>15</sup> Yesune luak ambale ukenyene watbâi dâm aregat moep. Mondo Anutune Yesu momonânba goando agalep aregat nen hâknennaet bo nangam manbaen. Amâ Yesune nengat akmâ moepgat nenne yâkgat akmâ manbaengat moep.

<sup>16</sup> Akto ulikjân nen hangat pat mem manminionân ain amâ hangat nangâ nangâ watmâ Kristo amâ luak yanne dâm nangâyion. Gârâmâ hinne, hain bo nangâmaen. Luak ambale amâ hangat nangâ nangâgat pat bo nangâyion.

<sup>17</sup> Amâ hin. Anutune Kristogat akmâ amâ irakne ketugunenegep. Agak meme tâmbânjande katip nenguep ainba olojnenekmâ dâp irakjân katnenegep.

<sup>18</sup> Are amâ Anutu konok yâkne nangam hengem nengiep arekne ulikjân nengat baleje aregat kuk nengim nanne hungun ando gembo kuk are yâkgâlân kato moep aregat kuk are sândugembo nâ olop biwi konok aknet dâm oloj nenegep. Dâ areak bo. Anutu olop biwi konok akbaengat den

pat makyengimaen aregât den pat nengiep.

<sup>19</sup> Den pat aregât keiŋe hin. Anutuŋe hin nâŋgâep, “Luâk âmbâle nâ olop biwi konok akbaen.” dâm dosayeŋe puliwiapgât Nanŋe hunŋun aŋdo gembo dosanenŋe yâkgâlân kato moep. Aregât Kristo dumnennân kilepgât den pat luâk âmbâle makyenŋiŋet dâm maknengiep.

<sup>20</sup> Hain gârâmâ Kristogât akmâ lau lokom kinmâ Yesu nengât moep aregât den makyengimaen amâ hin. Anutu ikinjak biwinennân kinmâ luâk âmbâle yenŋonmap aregât ye Korinti gâtŋe kulem esenŋe ire oyanŋdâi ye den ire nâŋgâm hengemgom Kristo amâ nengât akmâ moepgât Anutu olop biwi konok akŋet.

<sup>21</sup> Akto Anutuŋe dosanenŋe bo akto luâk âmbâle âlepŋe nengonberâm Yesuŋe agak meme bâleŋe me dosa bo akmap are mem amâ dosanenŋe yâkgâlân kato dosa luâk hain are agep. Yâkŋe hain akto benŋe agak meme âlepŋe mem malep are nengâlân miawakto Anutuŋe nenekto huragumap.

## 6

*Aposoloŋe kembugât âi membiâ umatŋe siâ siâ miawakyenŋiep.*

<sup>1-2</sup> Akto Anutuŋe makto Yesaianŋe kulemgoep bikŋe hin tatâp,

“Humonenŋe hin dâep, “Nâŋe han kalemnaet sopŋe miawaktâpgât ulitninbiâ nâŋgâyenŋiân. Akto hengemgoyenŋiân sopŋe miawaktâpgât tânyenŋuân.” dâep.”

are kulemgoep bunŋe akto Anutuŋe mem purik katnenekbiapgât sop akto nen Anutu olop den kârikŋe hin hâwâtyekne. Bâin. Uŋak amâ Anutuŋe heŋgem nenguwerâpgât sopŋe are Anutuŋe heŋgem yeŋguwerâp are hâkâŋ akmâ bo panbai. Bo.

<sup>3</sup> Nen luâkŋe âi meme nenŋe makmâ sârekowâigât akto âi mendenŋe nen ekmâ giriŋnengiwaigât âi ârândânâk mem amâ luâk âmbâle dop yeŋân kâwâwânŋ kârâwâigât bo panmaen.

<sup>4</sup> Bo. Nen Anutugât âi luâk manmaen nen hilâm ârândânŋ nenŋaet agak meme âlepŋe are mendenŋe luâk âmbâle hârok nenekbiâ ârândânŋ agâkgât âi bo memaen. Bo dondâ. Hin miawak nengimbo âi hanâk mendenŋe nenekbiâ ârândânŋ akmap. Umatŋe bâleŋe dondâ akto âiŋe humo akto wan me wan hâkoko olowâk are amâ bo hâkâŋ akmaen.

<sup>5</sup> Akto gasaŋe bugâŋe nengumai akto kala busiân kat nenekmai akto ândenengim kot bâleŋe nengonmai, akto âi humo mem me sot bâlâk manmâ asiŋ bo yemaen,

<sup>6</sup> arekŋe miawak nengimbo hanâk dâm âiâk mem agak meme âlepŋeâk mem amâ nâŋgâ nâŋgâ âlepŋe are memaen. Akto kuk dowâk bo akmaen. Akto luâk âmbâle hârok agak meme âlepŋe akyeŋgim heŋgemgomaen. Akto Anutugât Heak kârikŋe arekŋe meme aknengimbo biwi konok akmâ manmaen.

<sup>7</sup> Den bunŋeâk lau elek bo maktenŋe Anutugât kârikŋe miawakmap. Hain aktenŋe luâk âmbâle yânŋe nenekbiâ ârândânŋ akmap. Akto areâk bo. Tembe lokoŋe yeŋguwerâm akmâ unam tâwât

mem arimai nenñe hainâk bâtnenñe biken ain agak meme âlepñe mem Anutugât kârikñân kinmâ makyenñgimaen.

<sup>8</sup> Akto luâk âmbâle bikñe agak memenenñe ekmâ ukenñe nângâm kotnenñe mem agatmai. Dâ siânbañe nenekbiâ bâlimbo kotnenñe mem ge katmâ den bâleñe maganñi nengimai. Akto nengât den bunñe are siânbañe nângâm hianñimai dâmai.

<sup>9</sup> Akto hânân luâk âmbâleñe bonângâ nengimai. Dâ Anutunñe amâ nângâ nengimap. Akto umatñe humo miawakto bâsok mondenñe ainâk Anutunñe meme aknengimbo âlepñe manmaen. Akto gasalupnenñande moñet dâm tâk dâtâ dâtâñe ore nenekbiâ Anutunñe damunnenñe akto bo moyion.

<sup>10</sup> Nen okot umburuk aknenginñande hanâk biwi kauân manmaen. Umburukñe hanâk luâk biwirâ henñemyenñgumaen. Siâ me siâ mesakmaen amâ hanâk unsambe humo olop manmaen.

<sup>11</sup> O galalupne Korinti gâtñe, nenñe tek tekñân makmaen amâ ye okot dondâ akyenñgimaen.

<sup>12</sup> Akto biwinenñe bo gangerâmaen. Dâ yenñe amâ biwiyenñe gangerâmai aregât nen olop agak memenenñe konok bo aktâp.

<sup>13</sup> Akto aponñe nanlupyenñe makyenñgimai dop hainâk hin makyenñgiwe. Nen agak meme wan me wan ire akyenñgimaen aregât yekâ hainâk nen okot âlep nângâ nengiwei.

*Bâleñe akto âlepñe gala konok bo akbat.*

<sup>14</sup> O galalupne, ye amâ luâk âmbâle biwiyenñe Yesugâlân bo kali are yenñgât agak meme are amâ siânñe ye yâk olop biwi konok bo akbei. Akto agak meme âlepñe akto bâleñe amâ dopyetñe konok

mon? Akto hilâm hândâk amâ dopyetne konok mon?

<sup>15</sup> Haingât Kristogât gasa kautne olop gain gain han konok akbiandat? Me Anutu nânğanmapne Anutu bo nânğanmap are gain gain ârândân akbat. Bo.

<sup>16</sup> Akto nen âmâ Anutugât emet âlepne hainare akmaen aregât nen me luâk siâne lâpiogât kotne mem agatmâ are olop biwi konok bo akmaen. Akto nen âmâ Anutu manman Ambonjaet emet âlepne aregât keine makbe. Uliknân Anutune makto Propete bikjande hin kulemgoyi,

“Nângât kâmolân gâtne ye olop tatmâ hutyenân bam gutbaen. Akto nâ yengât damunye akbian. Akto ye nânğât kâmolân manbai.

<sup>17</sup> Aregât nânğât den bo nânğâniñmai are hepunyekmâ yenjeâk manbei. Akto siâ me siâ bâlene are mem bo howaiwai. Bo howaimbiâ âmâ âlepne meyektere nânğâlân dewatim manbai.

<sup>18</sup> Hain akbiâ nâne yengât Eweyene akbian. Akto nâne ye nan baratlupnerâm yengonbian.” dâep. Humone hain dâep.

## 7

*Paulone Korinti yengât pat nânğâm biwine herone agep.*

<sup>1</sup> Galalupne, Anutune makmâ kalep ire nânğâm hengemgom hâknenne akto biwinennaet helen are hepunmâ Anutugât hamep akmâ agak meme âlepne huragumap are membaen.

<sup>2</sup> Han nânğâ nânğâye bo gangerâwei. Nen uliknânbak luâk âmbâle bo akmâ bâliyion akto biwiyene bo mem helen akyenjiyion. Akto siâ me siâ

bo kâmbu meyenġiyion areġât ye nengât nânġâm biwiyenġande nengât okot âlep nânġâwei.

<sup>3</sup> Akto nâ ye hâkyeġe tunmâ bo maktân. Bo. Nâ emelâk hin maktân. Nen yenġât okot âlep nânġâmaen. Areġât umatġe miawakto bâsok mombiâ âmâ âlepġe nen gai hainâk bâsok mombaen. Akto wan me wan kârikġe nânġâm heronġe akbiâ nen âkâ hainâk heronġe akbaen.

<sup>4</sup> Ye biwiyenġe Yesugâlân kali hainâk manmâ âġâwai areġât agak memeyenġaet luâk âmbâle makyenġim âmâ bo anġun anġiman. Akto nâ umatġe hinġe miawak ninġo yenġât pat nânġâm mârunġe humo nânġân areġât biwine sândugemap.

<sup>5</sup> Galalupne, umatġe âġâlân miawaknengiep areġât keiġe makyenġire nânġâġet. Nen Makedonia hânân ain ari malion. Ain mandenġe nengâlân umatġe wan me wan dondâ nengâlân miawakto hâknenġe bo hutuk âġâep. Akto hâknennġân kuk humo miawaknengimbo biwinenġe hamep agep.

<sup>6</sup> Hain aktenġe Anutunġe luâk âmbâle biwiyenġe umatġe are mem yeukġe ketugumap arekġe nengât biwinenġe sândugeâk dâm Tito hunġun anġo togom nengât biwinenġe mem ġiep.

<sup>7</sup> Akto Titonġe nengâlân togom yenġe gala agaġi areġât den pat maknengimbo nânġâenġe biwinenġe sândugiep. Akto Tito togom yenġât den pat maknengiep amâ hin. Yenġe nâ nekberâm kârikġe akmâ tatâi akto bâlenġe aġi areġât biwiyenġe indiep, akto nânġât den amâ âlepġerâm nânġât den pat are nânġâne dâm magi areġât den pat maknengimbo nânġâenġe nune biwine sândugiep.

<sup>8</sup> O galalupne, nâ âġâlân yenġât kulem esenġe

kulemgom katere yengâlân togoep arekne bi-wiyene mem bâlimbo nângâre âlepne agep. Âgâlân kulem esenne pup pup oyanî ainâk kulem esenne arekne biwi umat ketuguyegep aregât nâkai bi-wine umatne agep. Dâ hinne bâleneyene makmâ miawakmâ hepunmâ han biwiyene purik kali aregât nângâm herone aktân.

<sup>9</sup> Akto nâ yengât biwi umat aregât herone bo âgân. Bo. Nen âmâ nângâ nângâylene âlepne agâkgât Yesugât den pat makyengiyion amâ Anutu ikinjak biwi umat ire mem agat yengimbo bâlene yene makmâ miawakmâ hanyene purik kali are nângâm herone akmâ mâruân. Amâ dennennjande bo mem bâliyegepgât.

<sup>10</sup> Akto agak meme iregâlâk Anutune makto umatne miawakmap arekne biwi umat mem miawakto bâlene nenne makmâ miawaktenne Anutune mem hengemgo nenekmap are nângâm biwi umat amâ âlepne dâm nângâmaen. Amâ siân nângâenne bo bâliwiâp. Dâ hângât luâk biwiyene umatne akto bâleneyene bo makmâ miawakbiâ amâ momogât dâp miawak yengimap.

<sup>11</sup> Eknet. Biwi bâle owâinande yengâlân bunne dondâne umalâk mem miawagep arekne wan akyengiep? Arekneak hâwât yekto Anutugât hamep akbiâ biwiyene indembo agatmâ, “Paulo nengâlân togom hengem nenguâk.” dâm den hengemgoyi. Akto arekneak goan yekto luâk bâlene agep are kukdâ anî. Hain akbiâ agak memeyene âmâ tekteknân hain miawakto ârândân agep.

<sup>12</sup> Akto kulem esenne kulemgore oyanî are nâ luâk siâ akmâ bâlimbo aregât bo kulemgoân.

Akto nâ luâk bâleŋe miep aregât bo kulemgôân. Bo. Anutugât dewunŋân yengât hin kulemgôân, yeŋe nengât akmâ biwiyenŋe humo yemap are nâŋgâŋetgât kulemgôân.

<sup>13</sup> Aregât miawagâk dâm kulemgore oyaŋmâ nengât biwinenŋande heronŋe dondâ akto nâŋgâm heronŋe dondâ agion. Heronŋe akmâ biwinenŋe sândugiep.

*Korinti gâtŋande Tito biwi âlep aganŋi.*

Akto areâk bo. Yeŋe Tito gala agaŋbiâ biwiŋe hutuk âgâep. Hain akto Titonŋe hepun yekmâ nengâlân togom den are maknengimbo heronŋe dondâ agion.

<sup>14</sup> Ulikŋân nâŋe Tito maganmâ yengât agak meme âlepŋe aregât pat maganân. Hain magandere hepun nekmâ yengâlân arimbo yengât agak memeyenŋe maganân are bunŋe hainâk akniŋi dâm purik katmâ togom makniŋep. Hain makto nâŋe Tito maganân ina bunŋe agep aregât bo aŋun aŋgiân.

<sup>15</sup> Akto Titonŋe yeŋe hârok yâkgât hamep akmâ dowâk launŋe lokoyi aregât nâŋgâm yengât heronŋe dondâ nâŋgâmap.

<sup>16</sup> Aregât yengât keiyenŋe nâŋgâre bunŋe akbi-apgât pat nâŋgâm heronŋe aktân.

## 8

*Makedonia gâtŋande puli kali aregât den.*

<sup>1</sup> Galalupne, hinŋe Anutunŋe ikinŋe kâmot Makedonia hânân manmai are damunyenŋe akto wan me wan miawakyenŋiep aregât den pat makyenŋire nâŋgâŋet.

2-3 Akto âgâlân Makedonia luâk âmbâle biwiyenê Yesugâlân kali are umburuk dondâ mali. Hain akmâ heronê humo agi. Hain akmâ Yesugât kâmot siâ umburuk dondâ mali are yengât den pat nângâm okotyenê nângâyengim tâwât dewunne han owâineâk kârikne yengât dop are ewangim katmâ menduguyi. Hain akbiâ umburuk dondâ miawak yengiep.

4 Hain akto, “Hanâk kepia hârok hain agi aregât nen âkai âi are mem Anutugât kâmot umburuk dondâ mandâi are tân yenguenne ârândân akbiap.” dâm hâwât nenekbiâ yâk yengât wan me wan hârok mem arim yengiyon.

5 Akto nen uliknân hin nângâyion, “Makedonia gâtne umburuk mandâi areyengât wan me wan are getegâk katbai.” dâm nângâyion. Dâ yâk Anutu Humonenne dâmai aregât launenne lokom wan me wan hârok kali.

6 Hainare gârâmâ Tito han kalem âi ire keine kalep are goandenne ye hutyenân wan me wan potatmâ kali aregât âi âlepne are mem metewiap.

7 Akto ye agak meme bikne emelâk âlepne dondâ akmai amâ hin. Biwiyenê Anutugâlân katbiâ tato nângâ nângâ yenê emelâk humo akto den pat âlepne makyengimai. Akto Anutugât âi memberâm kârikne dondâ akmâ nen okot nângâ nengim akmai. Akto aregât hainâk agak meme âlepne dondâ akmâ âi ire mem amâ tâwât dewunne katmâ menduguwei.

*Korinti gâtñande puli makmâ hâreyi are mem metenjetgât magep.*

<sup>8</sup> Akto yu maktân are den kârikne katmâ bo hâwâtyektân. Nâ yenğât han kalem gain gain yendâp akto biknande Anutugât pat akmâ âi mem manmai aregât keiŋe miawagâkgât maktân.

<sup>9</sup> Akto areâk bo. Humonenŋe Yesu Kristo Eweŋe olop manmâ kotne siâ siâŋe hârok dondâ mem malep arekne okot nâŋgâ nengim hanâk dâm hânân gem luâk umburuk hainare akmâ malep. Hain akto âmâ ye siâ siâ dondâ membaigât dâp miawakyeŋgiep.

<sup>10</sup> Ye hin akbiâ ârândân akbiapgât hin nâŋgân. Ye homban amuknân tâwât dewunŋe nenŋe katbaen dâyi aregât hinŋe âi are mem metewei.

<sup>11</sup> Uliknân âi iregât ukenŋe nâŋgâyi aregât ye dop yenânâk katmâ metembiâ tâwât dewunŋe huragumbo umburuk dondâ arekne membai ain âmâ âiyeŋe bo akbiap.

<sup>12</sup> Akto ye hain akmâ wan me wan tatyengiâp aregât dopyenânâk katbiâ Anutunŋe agak meme aregât ukenŋe nâŋgâwiap. Dâ ye wan me wan bo tat yenŋiâp aregât Anutunŋe bo hâwât yekto katbai. Dopyenân katbiâ Anutunŋe ekto huraguwiâp.

<sup>13</sup> Akto ye wan me wan tatyengiâp a hârok katmâ yenŋimbiâ siânbaŋe dondâ akbiâ umatne miawak yenŋiwiap aregât bo kulemgoân. Bo. Ye akto siânbaŋe hârok dop konok akbaigât kulemgoen.

<sup>14</sup> Akto hinŋe ye Yesugât kâmot hârok ârândânâk tatengât nâŋgâm unjak yeŋe yâk yenŋimbiâ âmâ benŋe siân yâkne wan me wan tân yenŋuwai are yenŋimbiâ ye membai. Agak meme ain âmâ ârândânâk akbai.

<sup>15</sup> Akto aregât Anutunŋe makto Mosenŋe hin

kulemgoep, “Luâk siâ sot dondâ miep are unsam-beŋe bo akto âmâ ârândân agep. Dâ siâ getek miep are gai umburuk bo akmâ âmâ ârândân agep.” Akto den bunŋe agâkgât ye yeŋgât bikŋe are mem yeŋgiŋet.

*Tito akto galalogâtŋe okot âlep akyeŋgiŋetgât magep.*

<sup>16</sup> Akto nânŋe yeŋgât akmâ han kalem nânŋâyengiân. Anutuŋe dop hainâk okot âlepgât gala tân agu agu aregât âi Titogât biwiŋân totokombo biwiŋe agalep aregât Anutu mepaiŋe mendân.

<sup>17</sup> Aregât gâ ari Korinti gâtŋe yekben dâm maganŋe âi aregât ukenŋe dondâ nânŋaep. Aregât Anutugât mepaiŋe mene.

<sup>18</sup> Akto nenŋe galalogâtnenŋe lâuwâ siâ huŋgun yetkire olop ariwai. Siâ amâ Yesugât kâmot hârokŋe, “Luâk ire den pat âlepŋe maknengimbo ektenŋe dâtŋe akmap.” dâmai.

<sup>19</sup> Anutugât kâmotŋe luâk are yâk âmâ okot kaugât puli mem ariwaigât âi tânnenguâkgât mem kali. Âi are Kembu nânŋaŋmâ biwi owâiâk memaen.

<sup>20-21</sup> Akto nen Humonenŋaet dewunŋân âlepŋe agâkgât konok âi ire bo memaen. Akto luâk âmbâle siânŋe pei nenekbâigât Anutugât pat dâm puli katmai âi are luâk âmbâle yeŋgât dewunyenŋân mem manmaen. Aregât siânŋe nenekmâ makmâ sârekowâigât puli humo are ârândânâk yeŋgiwaen.

<sup>22</sup> Haingât galanenŋe siâ yâk olop ariwai yâk âmâ hilâm dondâ âi wan me wan dop koenŋe âi miep are âlepŋe akmap. Akto hinŋe yâkŋe âmâ

ye nengât launenŋe dowâk lokomai are yekberâm aktâp.

<sup>23</sup> Akto galane Tito âmâ tân naguep arekŋe tân yenŋumap. Akto luâk lâuwâ olop ariwai are Yesugât kâmot yâkŋe âi miet dâm huŋgun yetkimbiâ âi membela luâk âmbâle dondâ yelekmâ Kristogât kotŋe mem agatmai.

<sup>24</sup> Aregât yâkŋe ye penâyenŋimbiân amâ okot âlepŋât tân yenŋuwei. Akto yeŋe agak meme âlepŋe memai aregât keiyeŋe yâk makyenŋienŋe nânŋâyî den are bunŋe agâkŋât ye tân yenŋumbiâ Yesugât kâmot hârokŋe nânŋâmbiâ ârândân akbiâp.

## 9

### *Puli katmâ manŋetgât makyenŋieŋe.*

<sup>1-2</sup> Akto nânŋe Yesugât kâmot Makedonia hânân mandâi are hin makyenŋiân. Korinti Akaia hânân gâtŋe hombaŋ ulikŋân tâwât dewunŋe katberâm ukenŋe nânŋâyî. Hain dâm makyenŋire agak memeyeŋe nânŋâm hainâk tâwât dewunŋe katberâm ukenŋe nânŋâyî. Aregât yenŋât biwiyeŋe âi iregât ukenŋe agâkŋât lâuwânŋe bo kulemgowerân.

<sup>3</sup> Gârâmâ nânŋe Yesugât kâmot Makedonia hânân manmai are hin makyenŋiân, Korinti gâtŋe emelâk wan me wan potatmâ katberâm agi dâm galalupne huŋgun yenŋire togom agak memeyeŋe yekbai. Yekbiâ nânŋât den bunŋe akto heronŋe akbaen are miawagâkŋât wan me wan nânŋâm henŋemgoweî.

<sup>4</sup> Dâ Makedonia gâtŋe siâ nâ olop togom yekbiâ bo henŋem aguwai âmâ nâ gain gain akbaen?

Nâ den magân are bunne bo akbai aregât anjun anjiwaen. Akto yekâ hainâk anjun anjiwai.

<sup>5</sup> Aregât hinne galalupne bikne son hungun yengire yengâlân togom okot âlepât tâwât dewunne katbaen dâm makmâ hâreyi are bunne agâk dâm hâwât yekbai. Hain akmâ puliyene bikne potatmâ katbiâ talep are haminân nunak yengâlân togom tâwât dewunne yene emelâk menduguyi are katnet dâre dowâk owâineâk katbai. Hain akbiâ mem arim yengiwian. Are âmâ bo hâwât yekbiangât.

<sup>6</sup> Hin nângâyengiwegât maktân. Luâk siâ âigât hâkân akmâ siâ getegâk kâmetmâ âmâ sot bunne yendoân getek mem manbiap. Dâ luâk siâne âi kalam umatne manbiapne bunne sopnân umatneâk mem nembiap.

<sup>7</sup> Akto ye siâkâ siâkâ ikinêâk ikinêâk biwiyenân nângâm hengemgowe. Aregât yene yengâlân bikne bo hâwât yekbai. Anutune luâk âmbâle yengiwagât ukenne nângâmai are okot âlep akmâ tân yengumap. Aregât bo hâwât yekbiâ siâkâ ikinak ikinak ukenne nângâm katbei.

<sup>8</sup> Akto Anutune han kalemnaet akmâ wan me wan yengimbo mem sambelem manbai aregât hinne hilâm ârândân wan me wan yengâlân tatâp are potatmâ bikneâk âi âlepne siâ yengiwagât âiyene âlepne sambelewip. Are miawagâkgât Anutune bo pâpkomap.

<sup>9</sup> Aregât keine Anutune makto luâk siâne hin kulemgoep,

“Luâk âmbâle biknande sot me wan me wan yengimbiâ âmâ Anutune agak meme âlepnaet

meme akyengimbo agak meme âlepñe akmâ âgâm manbai.” hain kulemgoep.

<sup>10</sup> Anutuñe han kalem akmâ kalam amboñe alekñe wanmap me sot bunñe me wan me wan ak-nengimap arekñe yekai âi kalam kâmetgât alekñe penianmâ yengim yengât agak meme âlepñe sambeleâk dâm meme akyengimbo

<sup>11</sup> hokboâk hokboâk han kalem akmâ wan me wan potatmâ katbiâ tato are nenñe mem Anutugât kâmot umburuk are yengienñe mem âlepñe manmâ Anutu okot âlep aganmâ mepai meanbai.

<sup>12</sup> Galama, yeñe Anutugât kâmot wan me wan bo tatyengiâp are yengimbiâ âiyenñe ârândân aktâp. Gârâmâ areâk bo. Yengiyiân ain bikñande agak memeyenñe ekmâ Anutu mepainñe mem manbiâ Anutu gâlân ârândân akmâ âgâwiap.

<sup>13</sup> Hain akto ye Kristogât den pat âlep bo heambukmaigât launñe lokomai. Aregât keñe han kalem yeñande mem miawakto Yerusalem kepia gâtñe akto Yesugât kâmot bikñe hârok yengât han kalam agak memeyenñe ekmâ Anutu mepainñe mem heronñe aganbai.

<sup>14</sup> Hain akmâ Anutuñe yengât han kalem ewangimapñe damunyenñe akmapgât ekmâ han biwiyenñe hikoyekmâ kinmâ yengât akmâ Anutu ulilani.

<sup>15</sup> Galama, Anutu han kalemñe are gain gain makmâ miawakbaen? Aregât hanâk yei dâm mepainñe mem maganmâ âgâwaen.

## 10

*Anutugât tembe saut lokom yengumaen.*

<sup>1</sup> O galalupne, Kristone amâ lumbe yeukne akyengimbo yâkgât wâtjân kinmâ yeukne akyengiman. Aregât yengât bikjande hin dâyi, “Woe, Paulo amâ han lâuwâ akmâ togom benne yeukne aknengimap. Dâ kâlewângen manmâ amâ peinenekmâ kulengoep.”

<sup>2</sup> Aregât siân togom peiyekbian. Dâ den are bo agâk dâm amâ dowâk agak memeyene hengemgowe. Hain bo akbiâ amâ luâk bikjande, “Pauloma amâ hângât nângâ nângâ watmai.” dâyi aregât denyene kom miwindik yekbian.

<sup>3</sup> Akto nenne hânân bam gutmaen. Dâ amâ hângât luâkne agumai hain bo agumaen.

<sup>4</sup> Akto hângât luâk tembe saut lokom yengumai. Dâ nen amâ hain bo akmaen. Nen amâ Anutugât wâtjân kinmâ Bâlene Amboe akto yâkgât sinduk baniara are yenguwerâm manmaen.

<sup>5</sup> Aregât arim luâk bikne Anutugât bo nângâ anberâm akmai are arim makyengienne nângâm ukenne bo akmai. Akto pâlâmne akmai. Akto luâk bikne Anutugât hâkân akmâ Anutugât den bo lokomai are agak meme âlepne akjet dâm âi humo mem hâwât yekmâ makyengimaen. Amâ luâk âmbâle bikjande hângâlâk nângâmai are Kristone damunyenye agâkgât makyengimaen.

<sup>6</sup> Akto yengâlân gâtne bikjande hinne launenne bo lokomai arekne kulem esenne ire oyanmâ agak meme âlepne akbai. Dâ bikjande den nenne hâkân akmâ hângâlâk nângâm manmâ âgâwai are nenne togom den makyengim miwindik yekbaen.

*Luâk bikjande Paulogât nângâmbiâ giep.*

<sup>7</sup> Wan me wan siâ yu miawaktâp are ekñet. Akto yengâlân gâtñe bikñande hin dâyi, “Kristoñe emelâk damunnenñe akmap.” dâyi. Luâk hain dâyi are hin makyengire nângâñet. Kristoñe ye damunyeñe akmap hainâk nen damun nenñe akmap.

<sup>8</sup> Akto areâk bo. Humoñe hin maknengiep, “Korinti gâtñe nângât hârogâk nângâwai.” dâm damun akñetgât âi nengiep. Akto gulip akyengiwen dâm bo nengiep. Akto nângât âi aregât âi mendere Anutunje ekto ârândân akmap aregât kotne bo mem ge katbei. Akto bo anun angiân.

<sup>9</sup> Gârâmâ kulemgore ekmâ hamewakñetgât yu bo kulengoân. Bo.

<sup>10</sup> Akto yengâlân gâtñe bikñande nângâ yâkgât hin dâyi, “Woe, Pauloñe den umatñe kulem esenñân kulemgom kato oyanñenñe dâtñe akmap. Dâ ikinak togom maknengimbo âmâ den are nângâenñe âmâ yeukñe akmâ yânñe akmap.” nângât hain dâyi.

<sup>11</sup> Aregât siân yengâlân togowianân âmâ den umatñe kulem esenñân kulengoân are hainâk launân makyengire nângâmbiâ dâtñe akto hamep akbai.

<sup>12</sup> Akto yeñe hin akmai. Ye yeñe dopyenânâk manmai. Yengâlân gâtñe konokñe amâ siâgât nângâm agak meme are dop agumap. Hain akmâ kotyeñe mem agatmâ yeñet nângâ angingbiâ humo akmap. Aregât ye sinduk akmai nângân. Dâ nen âmâ hain bo akmaen akto nen yengât dop bo memaen.

<sup>13</sup> Akto nenñet dop horat aregenâk arim makyengimaen. Nen Anutunje âi nengiep aregâlâk

nângâm ari makyengimaen. Anutunje âi are âmâ hânje hânje hârok potatmâ nengiep. Ain horalân makyengimaen. Akto hainâk ye makyengiwaen aregât âi nengiep. Gârâmâ aregât kotnenje bo mem agatmaen.

<sup>14</sup> Uliknân dowâk Anutugât launje lokom kâlewângenba dowâk yengâlân togom makyengienje Yesugât keiye pup pup nângâyî aregât âi memaengât hâk mem agat agatgât den bo makmâ sambelemaen. Dâ togom bo makyengiân dâine dennenne bunje bo akbop.

<sup>15</sup> Gârâmâ âi are bo mem meteyion aregât luâk biknande âi mem meteyi yâk yengât âiân hanâk watmâ kinmâ aregât hâknenne bo mem agatmaen. Bo. Ye hanyenande Yesu Kristo nânganmâ kepilâm âgâmbiâ âmâ benje yengât akmâ âinenje mendenje humolem âgâkgât bundâk hannenne aregât kindo manmaen.

<sup>16</sup> Aregât luâk âmbâle hamiyenângen manmai yâk yengâlân den pat âlep makmâ ariwaen. Dâ luâk siâgât âi bunje mem kinmâ mem metiep aregât âgâ âgâje bo akbaen.

<sup>17</sup> Aregât keiye Anutugât kulemje hin maktâp, “Luâk siâ egâlian den makmâ âgâ âgâje akberâm âmâ benje Kembugât akmâ âgâ âgâgât makbiâp.”

<sup>18</sup> Akto areâk bo. Luâk âmbâle yenjaet kotyene mem agatbai are amâ Anutunje luâk âmbâle yânje dâm yekto gemap. Dâ Humone luâk âmbâle bikne meyekmap are âmâ Humone yekmâ luâk âmbâle âlepne dâm yekto huragumap.

*Pauloŋe ikinje keiŋe makyenŋieŋe.*

<sup>1</sup> O galalupne, luâk yengâlai togom kotyeŋe mem agatmai are yengât makyenŋiwe. Yâkŋe nâŋgât kotne mem ge katmai aregât nunaet keine makyenŋire yeŋe nâŋgâm yâk yengât keiyeŋe nâŋgâmbiâ yânŋe akbiâp. Dâ keine maktere nâŋgâ yâkgât sinduk akmap dâwai amâ hanâk makbe.

<sup>2</sup> Anutuŋe yengât okot akmâ nâŋgâ nâŋgâne humo katmâ nâŋgâlân togonet dâm yengonmap. Agak meme aregât dâm nâŋe yengât nâŋgâmâk akman aregât luâk siâŋe ikinje âmbâle dâtâŋe âlepŋe memberâm nâŋgâmap dop hainâk ye Kristogât dâtâŋe aregât meyeŋâk dâm âi yengât hutyeŋân âi mem hâk hilâlâm kakŋân malân.

<sup>3</sup> Gârâmâ ulikŋân niambi mulum humo arekŋe yonâk togom Ewa hianŋieŋe dop hainâk luâk hinŋe yengâlân togoyi arekŋe agak memeyeŋe âlepŋe are akto Kristo okot âlep aganmâ denŋe lokom kinmai are gulip komberâm nâŋgâ nâŋgayeŋe akto han biwiyeŋe heyenŋiwerâm akmai are nâŋgâre biwine dondâ bâliâp.

<sup>4</sup> Akto luâk arekŋe Yesugât keiŋe makyenŋimai aregât hâkân akmâ Yesu siâgât den makyenŋim âmâ Anutugât Heak kârikŋande kautyeŋân miep aregât wâtŋân bo kinmâ hianŋi den makyenŋimbiâ dowâk nâŋgâyi. Den pat are nâŋgâre umatŋe humo miawaktâp.

<sup>5</sup> O galalupne, hianŋi luâk arekŋe hin dâmai, “Nen âmâ Aposolo hârok ewangi yekmaen.” dâmai aregât nâ Aposolo ire amukyengân bo manman aten.

<sup>6</sup> Nâmâ den makmakgât keiŋe siâŋe bo hekat-niŋdo makman. Gârâmâ nâŋgâ nâŋgâne âmâ

âlepne. Aregât keiŋe hin me hain makyenŋienne nâŋgâm meteyi.

<sup>7</sup> Dâ nâŋe yenŋâlân togom Anutugât keiŋe makyenŋiân ainâk ye wan me wangât bo ulit yenŋiân. Ye umatŋân manbâi dâm yân togom makyenŋiân. Aregât yeŋe nâŋgât nâŋgâninbiâ geâp mon?

<sup>8</sup> Bo. Nâmâ tânyenŋuwerâm âmâ Yesugât kâmotŋe siângen manmai yâk ulityenŋienne ninbiâ are mem manmâ ye makyenŋiyion.

<sup>9</sup> Akto hutyenân mandere ain siâ me siâgât umburukŋe akniŋdoân âmâ umatŋe bo yenŋiân. Bo. Yesugât kâmot Makedonia hânân manmai arekŋe togom wan me wan ninji. Aregât umat bo yenŋire âmâ owâinân mali. Nâ hain agân aregât nâŋgâre âlepne aktâpŋât hain akbian.

<sup>10</sup> Aregât den pat yenŋâlân sambeleâk dâm akto Akaia hânân hainâk sambeleâk dâm Kristo dewunŋân kinmâ Paulo bunŋe maktâp dânetgât ya kulemgoân.

<sup>11</sup> Aregât keiŋe amâ nâŋe okot bo nâŋgâyenŋim kotne mem agatman me? Hain bo. Nâŋe Anutugât dewunŋân kinmâ hain dâm okot dondâ nâŋgâ yenŋiman.

<sup>12</sup> Akto hianŋi luâk arekŋe yenjaet nâŋganŋimbiâ humo akto hin dâmai, “Anutuŋe Pauloma wâtŋe akyenŋimbo âi memai hainâk nen gai wâtŋe ak-nenŋimbo âi memaen.” hain dâmai arewa den hianŋi miawakto nâŋgâŋet dâm nunaet keine kulemgom metewe.

<sup>13</sup> Hianŋi luâk are âmâ Aposolo nengâlân gâtŋe bo. Yâkŋe nen Aposolo âi memaen dâm hianŋim âi hanâk hanâk mem hianŋim Kristogât âi dâmai.

<sup>14</sup> Akto Niambi hainâk akmâ henengiwerâm ikinjaet hâkne mem purik katmâ anjelo pagalenje ambonje hainare akmap.

<sup>15</sup> Aregât Niambigât âi luâk hâkyenje mem purik dâm, “Nen agak meme âlepneâk akmaen.” dâm hianjim hainâk akmâ heyengiwerâm akmai. Hain akmai aregât hâmbâi Anutunje wan me wan memai aregât agak memeyenje dopyenân akyengiwiap.

*Paulogât kakjân umatne humo miawagep.*

<sup>16</sup> Maktân aregât gaetne maktere nângât den are nângâmbiâ nâ luâk kopa hin are bo akbian. Dâ hanâk makberâm âmâ keine mem miawaktere nângâninbiâ hâknaet bâlensiâ makmâ mem agatbe.

<sup>17</sup> Dâ den ire makberân âmâ Kembangât lau bo makberân. Nunaet hâknaet mem agat agat gât hanâk sinduk denne hainare makberân.

<sup>18</sup> Luâk dondâne hângât nângâ nângâyeje watmâ hâk mem agat agat den makmaigât nâ hainâk yu makberân.

<sup>19</sup> Yeje nângâ nângâyeje nângâmbiâ humo akmapgât hianji luâk yengâlân togomai are dowâk nângâ yengim mangan yekmai. Aregât nâ hainâk den hembalik makyengire dowâk mangan nekbai me?

<sup>20</sup> Akto siâne togom âi yengim hâkânyeje akmâ ondopyenje hogom yengât nângâmbiâ gembo bâlene akyengimbiâ âmâ yeje âlepne dâm mangan yekmai.

<sup>21</sup> Akto nâmâ yeukne akmâ mangan yekman aregât hâkân akmâ heniñmai. Âlepne nâ hainâk kotne mem agatmâ makyengire dowâk nângâ

niŋbai me? Hiangi luâk are wan me wan akmâ manmai. Nâkai hainâk akbom.

<sup>22</sup> Yâk, “Nen âmâ Yuda gâtŋe kotnenŋe siâ Hebraioâk tiŋ tiŋ dâm makmaen.” dâmai. Akto nâkai hainâk Hebraio yengâlân gâtŋe. Akto yâk, “Nen âmâ Israegât hakulupŋe.” dâmai nâkai hainâk makman. Akto yâk, “Nen âmâ Abrahamgât hakulupŋe manden.” dâmai nâkai hainâk manman.

<sup>23</sup> Yâk, “Nen âmâ Kristogât âi luâk akmaen.” dâmai. Benŋe aregât nâkai hain akmâ hin makman, “Kristogât âiân nâŋe hârok yâk ewangiyekman.” hain makman amâ nune ukennaet bo maktân. Yeŋe hâwât nekbiâ aregât sinduk akmai hain akmâ maktân. Akto areâk bo. Âi humo mem ewangiyekman. Akto âi iregât kala busi kâlegen katnekbiâ bo yeugeminiân aregât nâŋe ewangiyekman. Luâk dondâŋe bugâŋe nugumbiâ momberâm akman.

<sup>24</sup> Akto Yuda luâk yengât humomolupyenande tâk dâtâ dâtâŋe haminân orem orem pan nekbiâ sop 39 agep a haminân hainâk hainâk akbiâ momerâk agep.

<sup>25</sup> Akto sop âlâwu bugâ meân. Akto siân kâtŋe panmâ nuguyi. Akto sop âlâwu arim arim makyenŋiân sop ain haruân wanŋa bâlimbo haruân geân. Akto aregât hutŋân hilâm konok akto hândâk konok haru kakŋân bam gutmâ malân.

<sup>26</sup> Akto hilâm dondâ dâp kâlewângen manmâ togoân. Akto tu humo hâtikoân ain âmâ bo akberâm agân akto dâwân mandere luâk kâmburâ bâlenande nuguwerâm akbiâ nâŋgâyekmâ malân. Akto nâŋgât kâmolân Yuda luâk galalupnande mem bâli nekberâm agi. Akto Yuda luâk bo arekŋe

mem bâli nekberâm agi. Akto kepia humoân âgâre hainâk kepia humoņe mem bâli nekberâm agi. Akto kepia hepunmâ hân pumângen arire ainâk luâk bikņande mem bâli nekberâm agi. Akto haru hâtikore ainâk bâleņe miawakniņep. Akto luâk bikņande nen Yesugât kâmolân gâtņe dâm heniņbiâ mem maņgan yektere ainâk mem bâli nekberâm agi.

<sup>27</sup> Akto areâk bo. Âi humo mem hâk hilâlâm dondâ nâņgâm hândâk âi mem asiņ âlepņe bo yem sotgât mopne agu agu tatminiân. Akto tugât momberâm agân. Akto seru niņdo hâk pekegât umburuk agân.

<sup>28</sup> Akto areâk bo. Hilâm ârândâņ luâk âmbâle Yesugâlân biwiyene kali are nâņgâ nâņgâyeņe bâliwop dâm damunyeņe akberâm hanokoakmâ nâņgâmâk dondâ nâņgân. Akto âi humo meân.

<sup>29</sup> Hain akmâ Yesugât kâmolân gâtņe siâņe yeukņe akto nâkai yâkgât pat nâņgâre biwine gemap. Me Niambiņe siâ biwine oloņdo dosa akto benņe nâ biwine umatņe dondâ akto nâņgân.

<sup>30</sup> Akto nâ aregât wan arekņæetne makmâ humolewian? Manmanne yeukņe miawagâkgât âlepņe maktere ârândâņ akbiap.

<sup>31</sup> Akto Anutu Humonenņe Yesu aregât Eweņe kotņe tatmâ âgâwîap yâkgât kotņe mem agatne yâk âmâ nâ bo hiaņgiân nâņgâp.

<sup>32</sup> Akto wan siâņe nâņgât yeukņe miawakniņep aregât makbe. Ire ulikņân Damasko kepia agân. Âgâm kindere luâk kotdâ siâ kotņe Areta yâkgât kiap akto tembe lokolupņe dâp kautņân kinmâ mem nuguwerâm agi.

<sup>33</sup> Hain akbiâ nângâm Yesugât kâmolân gâtne biknande hândâgân haka humoân lugunekmâ kâtne haot humo ketugumai are dâpnânba tâk uliknân yaiwâk mem pan nekbiâ gem gem ge kinmâ haka kâlegenba agatmâ kinmâ âlepne pârigim arire kiapgât tembe lokolupnande bo menegi.

## 12

*Anutuŋe uliknân Paulo kulem hekalanŋo ekto dâtne agep aregât magep.*

<sup>1</sup> O galalupne, ye wan den maganŋi niŋmai are nângân. Aregât ye hinne nângât den pat bunne nângânetgât hin makbe. Maktere âmâ âlepne bo tân nuguwerâp. Akto aregât ukenne bo nângâman gârâmâ hanâk Humonenŋande wan me wan heambukmâ kalep are hekat niŋep are makyenŋire nângânet.

<sup>2</sup> Nâ unak gemân homban 14 bo akto Anutugât himbim kâlegen ain âgân. Akto nâ hâkne olop âgân me otnenande âgân amâ bo nângân. Anutuŋe konok nângâp.

<sup>3</sup> Nâ hâkne olop âgân me otnenande âgân amâ bo nângân. Anutuŋe konok nângâp.

<sup>4</sup> Anutuŋe wan hekat niŋdo me wan me wan nângân are âmâ kâmbokne dondâ luâkne bo makmai are nângân.

<sup>5</sup> Ya maktân luâk are yâkgât akmâ maktere ârândânŋ akmap. Gârâmâ nunaet bo maktere humo akmap. Bo. Yeukne maktere sambelem ariâk dâm makman.

<sup>6</sup> Dâ kotne mem agatman dâine ârândân akbop. Akto luâk kopaje bo akbom. Akmâ nângât nângâmbiâ âgâ âgâne dondâ akbopgât aregât bo akbian. Wan me wan akmâ mendere ekmâ nângâm henngemgowai areâk yembiâp.

*Paulogât hâknân dâtne metne siâ miawagep.*

<sup>7</sup> Akto Anutuje wan me wan hekat niñep are nune kotne mem agatbomgât makto Hiangi Ambojaet hon bawa siâne hâknân hâk hilâlâm niñmâ dop nugumbo nângâre umatne agep.

<sup>8</sup> Umatne are miawak niñdo Humone hin ulilanân. Hâknân ire watmenâ ariâk dâm ulilanân.

<sup>9</sup> Ulilandere âlâwu akto hin makniñep, “Luâk âmbâle yengât kârikneyene bo tatyengimap ainâk nângât kârikne âlepne miawak yengimbo ârândân akbiap. Aregât hinne han kalemne damunge ak-mangât nângâmenâ ârândân agâk.” dâm makniñep. Aregât kârikne bo tatniñdâp aregât nângâre âlepne aktâp. Kristogât kârikjande tân nuguâkgât nângân.

<sup>10</sup> Kârikne bo tatniñdâp me luâk âmbâle nângât makmâ bâlimai me umatne miawaktâp me gasa siâne mem bâlinekmai me wan me wan arekne gulip nuguwerâmbo ainâk kârikne bo are miawakbopgât Kristone dowâk tân nugumap are nângâm herone humo akman.

*Paulone Korinti luâk âmbâle yengât hanoko agep.*

<sup>11</sup> Den yu maktân ire âmâ sinduk akmâ hinare maktân. Âmâ yeñe goañ nekbiâ makmâ hilipkoân. Hiangi luâk yengâlân togoyi are âmâ yânne gârâmâ ewangiyekman. Akto nâñe yâk yengât

amuk yenân bo mandân aregât yeŋe nâŋgât kotne mem agali dâine ârândân akbop.

<sup>12</sup> Akto Aposologât tirip kulem dondâ hutyenân mem manmâ bo hâkâŋe agân are negi.

<sup>13</sup> Aregât wangât Yesugât kâmot bikŋe yekbiâ âgâmbo yeŋgât nâŋgâmbiâ giep? Dâ ire konok bo akyeŋgire nâŋgâmbiâ bâliâp mon? Umatyeŋgiwomgât bo ulityeŋgiân are nâŋgâmbiâ âlepŋe agâk.

<sup>14</sup> O galalupne, nâ hinŋe yeŋgâlân âlâwunŋe togowian. Togom âmâ puli me sot me wan me wan niŋŋet dâm âmâ bo ulityeŋgiwian. Akto nanaŋlepat arekŋe ewe memelupyenŋe bo damunyeŋe akmai. Dâ ewe memelupyenande âmâ nanaŋlupyenŋe damunyeŋe akmai aregât dopŋe watmâ hain togom yeŋgât tâwât dewunŋe me sot wan me wan aregât bo ulit yeŋgiwian. Bo. Nâ okotyenŋe nâŋgâ niŋŋetgât egâlianbian.

<sup>15</sup> Akto nâŋe tân yeŋguwangât hanâk hanâk nâŋgât wan me wan bo akbiapgât ukennŋe nâŋgân. Me yeŋgât nâŋgâm âlepŋe manbaigât âi mem manmâ mombiangât aregât hamep bo akman. Hain akmâ nâŋe ye biwinande dondâ nâŋgâ yeŋgiman aregât wangât yekâ bâlensiâ nâŋgât han kalem akmâ nâŋgâniŋdâi?

<sup>16</sup> Akto yeŋgâlân gâtŋe bikŋe nâŋgâ yâkgât hin dâmai, “Paulonŋe amâ bundâk bo ulit nengimapgârâmâ Anutugât pat dâm puli katbiâ mem arim yeŋgiwian dâm henengimbo wandenŋe ikiŋe miep.” dâm hiangimai.

<sup>17</sup> Hain dâmai aregât hin nâŋgâm heŋgemgowe. Nâŋe luâk bikŋe huŋgun yeŋgire yeŋgâlân togoyi

arekne amâ Paulo siâ siâ wanjet dâm ulit yengimai me bo? Bo.

<sup>18</sup> Amâ Tito yengâlân togoâkgât hâwâtmâ mag-anân. Maganmâ amâ galannenje siâ hungunandere olop oloŋ akmâ togoyiat. Togom amâ Titone siâ me siâ ulityengim meyenjiep mon? Net Heak konok akto dâp konok bo manmaet mon?

<sup>19</sup> Me den makmaen are nângâm gambiâ amâ kotnenne gewopgât akmap mon? Aregât hain bo. Nen Kristogât akmâ Anutugât dewunŋân den makmaen. Hain makmâ amâ galama yengât akmâ tânyengunegât akmâ den makmaen.

<sup>20</sup> Galalupne, nâ yengâlân togom wan me wan memai are mem miawakbiangât hamep akmâ anun anŋiwian. Akto nâne togom wan me wan akmai are bo akjet dâre nângâmbiâ umatne akbiap. Nâ togo ye wan akbai are mem miawakbian me? Den kuk akmai me galagât egâlianmai me ye yenaelâk nângâmbiâ humo akmap me ye siâgât haminŋangen makmai me kotyenje mem agatmai me agak meme gulip akmai. Nâ togore hain akbiâ nângâre umatne akbiap aregât yengâlân togowerâm hamep aktân.

<sup>21</sup> Akto nâne yengâlân togom yengâlân gâtne bikŋande agak meme bâlene akmâ egâlian bâlene akmâ dâp gulip akmini arekne agak memeyenje bo makmâ miawakmâ amâ hanyenje bo purik katmai are nângâm Anutune hâwât nekto indem manmâ âgâwian. Aregât anun anŋiwom.

## 13

*Paulone bâliwâigât kârikne kenunŋu yegep.*

<sup>1</sup> Galalupne, nâ unjak âlâwuŋe yeŋgâlân togow-erâm aktân. Togowian ain âmâ luâk siâ denân katberâm akbiâ âmâ luâk lâuwâ me âlâwu arekŋe den are makniŋbiâ âmâ den potatbian. Dâ luâk konokgât bo.

<sup>2</sup> Akto yeŋgâlân lâuwâŋe togoânân âmâ luâk âmbâle bâleŋe agi akto âlepŋe akmai are hârok amâ den kârikŋe makyenŋiân. Akto hinŋe kulem esenŋe iren den kârikŋe hainâk makyenŋiân. Nâ togowianân âmâ makmâ miwindik yektere anjun anŋiwai.

<sup>3</sup> Akto ye âmâ han lâuwâ akmâ hin dâmai, “Paulo amâ Kristogât den makmap me bo?” hain dâm nâŋgâm heŋgemgowerâm aktâi aregât makmâ miwindik yektere nâŋgâm Kristogât kârikŋe nâŋgâmbiâ dâtŋe akbiap. Akto aregât Kristo âmâ yeukŋeâk bo akniŋmap. Aregât yeŋgâlân togore ikinŋe kârikŋe miawak yeŋgiwiap.

<sup>4</sup> Akto bundâk Yesuŋe ulikŋân âmâ kârikŋe bo akto lâwinân kombiâ moep. Amâ benŋe Anutugât kârikŋân golâ akmâ agatmâ manmap. Aregât nen yâkŋe agep hainâk nenâkai yâkgât hoŋlupne kârikŋe nenŋe bo akto yeŋgâlân togom Anutugât kârikŋân kinmâ Kristo olop manmâ tânyenŋuwai are makmâ miwindikyektenŋe dondâ anjun anŋiwai.

<sup>5</sup> Akto yekâ yeŋeak hilâm ârândân biwiyenŋe dopkom nâŋgâm heŋgemgowe. Akto ye Humogâlân biwiyenŋe kârikŋe katâi me bo? Yeŋeâk mem potalakbei. Akto siânŋe biwiŋe Yesugâlân bo kali are Yesu Kristo olop bo manmap.

<sup>6</sup> Nen âmâ Anutu bo nâŋganŋmai dopyenŋe konok bo nâŋgânŋetgât egâlianŋman.

<sup>7</sup> Anutuŋe damunyeŋe akto bâleŋe bo akŋetgât ulilaŋmâ manmaen. Nen nenekbiâ Anutugât kâmot bunje akbaen me bo? Aregât bo makmaen. Ye Anutugât den lokombiâ ârândâŋ agâkgât makmaen.

<sup>8</sup> Amâ nen den bunje gasa gain gain agaŋbaen? Gala agaŋbaengât dâp areâk tatâp.

<sup>9</sup> Akto nen tân yeŋgum yeukŋe aktenŋe kârikŋe akbai aregât nen herone akmaen. Akto ye Anutugât dewunŋân salek salek kinmâ âgâwaigât Anutu ulilaŋmaen.

<sup>10</sup> Nâ yeŋgâlân togom metŋe akyeŋgiwomgât kâlêwâŋgen manmâ sami den yu kulemgoyeŋgiân. Kembuŋe kârikŋe niŋep arekŋe itin gulam yeŋgiwiangât bo niŋep. Amâ hingât. Ye mem kârikŋe ketugu akyeŋgiwiangât niŋep.

### *Den bâiŋe.*

<sup>11</sup> O galalupne, nâ bâiŋe makbe. Ye âi mem agak meme âlepŋe dondâ are menegât egâlianmâ kautyenŋe orewei. Ye nâŋgât kulem esenŋe ire oyaŋmâ heŋgemgowe. Akto ye biwi konok manbei. Akto kuk heŋgân bo akbei. Hain akbai âmâ Anutu nâŋgâ nâŋgâ ambonŋe akto kambiamnenŋe sându geâkgât meme aknengimap arekŋe damunyeŋe akmâ ye olop tatmâ âgâwiap.

<sup>12</sup> Akto nâ yeŋgât nâŋgân aregât ye konok konok hârok maganŋi goanŋi akmâ bâtyenŋe koanŋiwei.

<sup>13</sup> Akto Yesugât kâmolân gâtŋe kepienŋe kepienŋe manmai arekŋe yeŋgât nâŋgâm herone akmai aregât den pat ire ye nâŋgâwai dâm hâwât nekbiâ yu kulemgoân.

<sup>14</sup> Kambu Yesu Kristo yâkgât han kalem âlepŋe akto Anutugât han kalem akto Heakgât limbâp are yengâlân yem âgâwiâp.

**Yusugât Pat Âlep Den**  
**The New Testament in the Timbe Language of Papua**  
**New Guinea**  
**Nupela Testamen long tokples Timbe long Niugini**

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 18 Mar 2025 from source files dated 31 Aug 2023

03f82704-6ad1-5094-a78e-e240d9f2d4f8